

Yanghgwzlijlah:

Aen Daengngoenz Ronghndwen Ndawsim

香格里拉——“心中的日月”

□Lij Gwz ingj Sinhyungz hoiz

Nazbwzhaij dep mbwn, gingj ndei
vunz haenhdang.

Yanghgwzlijlah dieg youq gwnz ndoi gatvang baihdeng-namz Cingh Cang Gauhyenz, dwg gizdieg geij diuz dah hung Yacouh lae gvaqbae haenx. Gij dah neix mbouj dingzduenh dwk gaekdeu baenz cienfanh bi, caux ok baenz benq baenz doengh gingyawj swyenz hungloet geizheih gwnz seiqgyaiq gag miz. “Aen giuz ndeu, aen daiz ndeu, song aen huz, goengq bya ndeu” baenz le gingj gyaundeidei gyoengqvunz doxriengz bae cimhra haenx, neix couhdwg Giuzsengcingz, Daizraemxhau, Nazbwzhaij, Bizdazhaij caeuq Byanae Hahbah, aeu gij gingj gyaundeidei lumj diegsien lumj youq ndaw loqfangzhwnz de baenz gizdieg lijyouz daengx seiqgyaiq mizmingz ndeu.

Yanghgwzlijlah aen sawloih neix dwg daj bonj sawcuenh 《Diuz Sienqdeihbingz Siusaet》 vunz Yinghgoz Canhmujsw • Hih-wjduj sij haenx aeu daeuj, ndaw saw sij le gizdieg ciengxlwenx bingzlingz dinghcaem ndeu, dwg gizdieg rog biengz gyaundeidei miz byanae lueglaeg, gij miuh saenzmaed, aen huz caemdingh, doenghnywj gyaundeidei nem vaizyengz baenz bang baenz gyoengq ndeu, vah Cangyij eiqsei dwg “aen daengngoenz ronghndwen ndawsim”. Vunzraeuz

cimh bae ra dauq baenz buenq aen sigij, raen Yinznanz Swngj Dizging Cangcuz Swcicouh gingjsaek caeuq ndaw saw sij haenx doxlumj liux, baenzneix, gizneix couh baenz le “Yanghgwzlijlah” ndawsim gyoengqvunz. Doeklaeng, aen couh neix Cunghden Yen couh gaj heuhguh Yanghgwzlijlah Yen.

Yanghgwzlijlah dieg youq ranghdieg “daih samgak” Yinznanz, Swconh, Sihcang sam swngigih neix, gizneix byanae hophumx, benqrum caeuq benqbingz miz hung miz iq dwk sanq youq gwnz gauhyenz, diegnamh bizbwd, vaizmax baenz bang. Youq benq dieg caemdingh neix, miz raemxhuz dinghcup, aenmiuh swnzswng, gyoengqvunz simndei simsoh. Goengqbya saenzgeiz gyaundeidei, vwnzva minzczu cwkmrom gyaenanz, ung ok cungj singgwz simsoh, aekgvangq gak minzczu dieg neix, caemh sawj dieg neix minzczu fungcingz fungsug lai cungj lai yiengh gak miz daegsaek. Moix bi ndwenngux co'ngux aenhoih max buet doxdax hoenghhwd nauhyied; “ndwenngaih cobet” Nazsihcuz, “cietbogfeiz” Yizcuz daengj ngoenzciet cungj daegsaek naekgywg gag miz daegdiemj mizyinx raixcaix.



▲Aen yienhsingz Yanghgwzlijlah, haeuj sim haeuj da vunz gyaenz raeuh.



▲Byanae Hahbah hung youh sang, gingfan mbinyag yienj saenzgeiz.



▲Bwzsuijdaiz miz “nazbouxsiem”, louz benq gyaundeidei youq gwnzbiengz.



▲Doenghnywj va hai lengj, seiqlengq cungj gyaundeidei.



▲Ngoenzneix saedceij ndei, angq itheij diuqfoux.



◀Bizdazhaij gyaundeidei, yawj seiqlengq baenz gingj.



◀Gingfan venj rimdoh, lauxcoz sim angqyangz.

▶Giuzsengcingz saenzgeiz, vunz seiqlengq caez haenh.



▲Raen daphau daengjdwt, rox daengz dieg Cangcuz.